

الدرس الخامس.. اسباب الثبات على الدين .. 2- العلم "سلسلة

مجالس قرآنية " للشيخ أحمد جلال

أحمد جلال

اعوذ بالله السميع العليم من الشيطان الرجيم. بسم الله الرحمن الرحيم. الحمد لله رب العالمين. والصلوة والسلام على اشرف المرسلين سيدنا محمد وعلى الله وصحبه ومن تبعهم باحسان الى يوم الدين اما بعد. آآ اخواني الكرام اهلا وسهلا ومرحبا بكم جميعا. واسأل الله سبحانه وتعالى باسمائه - 00:00:00

بحسن وصفاتي العلا الذي جمعنا في هذا اليوم المبارك وفي هذه الساعة الطيبة على طاعته وعلى طلب العلم. اسأل الله سبحانه وتعالى ان معنا بهذا الجمع على حوض النبي محمد يوم القيمة. وان تكون من المحشوريين في زمرته وتحت الوالي. وان نحشر معه في اعلى جنات النعيم - 00:00:30

انه ليذيل القادر عليه. وبعد احنا اتكلمنا الدرس الماضي عن اسباب الثبات على دين الله سبحانه وتعالى ما اتكلمنا عن الاسباب اللي بتؤدي للانتكاس على مدار تلات محاضرات عرفنا ايه اسباب الانتكاس بعد كده بدأنا ناخذ - 00:00:50
ما يتعلق بالزى نعالج نعالج الانتكاس لو في يوم من الايام الانسان منا حس بانتكاسة حس بتردد كده على الطريق فقلنا اول شيء هو معرفة الله سبحانه وتعالى. اتكلمت معكم الدرس اللي فات عن ان المعرفة اه المفترض نعمل ايه مع معرفة ربنا سبحانه وتعالى؟ قلنا اول حاجة نسمع - 00:01:10

كتير عن ربنا سبحانه وتعالى او نقرأ وذكرنا السلاسل وذكرت لكم الكتب ثم بعد ذلك قلت لكم ان احنا نتخلق بهذه الاخلاق اللي احنا بنستفيدها من اسماء الله الحسنى ثم بعد ذلك. حاضر. ندعو الناس - 00:01:30
ندعو الناس الى معرفة الله سبحانه وتعالى. اليوم باذن الله تبارك وتعالى ايضا هنتكلم في مجلس من مجالس القرآن عن عن السبب الثاني من اسباب الثبات على دين الله سبحانه وتعالى. اكتر حاجة بتثبت الانسان على دين الله سبحانه وتعالى. ولا تجعل الانسان ينتكس - 00:01:47

ابدا العنصر الثاني من عناصر الثبات على الطريق لن اقول العلم. ولكن اقول العلم النافع ان الانسان منا يتعلم علما نافعا. طب انت ليه ما قلتتش علم ويس؟ ربنا عز وجل ذكر لنا اصناف في القرآن - 00:02:07

كان عندهم علم ولكن ما نفعهم هذا العلم. علمهم ما كانش نافع كما قال الله عز وجل واتل عليهم نبأ الذي اتیناه اياتنا كان عنده علم ولكن انتكس. الله سبحانه وتعالى ذكر علماءبني اسرائيل. وذكر علماء اليهود وذكر علماء النصارى. كان عندهم علم - 00:02:28
ولكن ما نفعهم بل قال الله سبحانه وتعالى انهم لما جاءهم العلم اختلفوا فيما بينهم تقاطعوا تدابروا فما كان العلم عندهم علما ان الفعل والنبي صلى الله عليه وسلم لما دعا ربه سبحانه وتعالى ما قال اللهم اني اسألك العلم ولكن قال اللهم اني اسألك علما - 00:02:48

انا عايزين العلم النافع. ايه هو العلم النافع اللي احنا هنتكلم عنه؟ ده ان شاء الله السؤال ده احنا هنجاوب عليه في اخر الدرس. ازا ربنا عز وجل كان الى اخر هذا الدرس ويسري الامر. هنعرف ايه هو العلم النافع اللي احنا محتاجينه علشان نثبت على الطريق. ولكن حابب من البداية - 00:03:08

فعلت معكم الدرس الماضي ان اول شيء بالفعل ثبت آآ اصحاب القصص اللي تدل على الثبات في القرآن كان معرفة ربنا عز وجل

تعالوا نعرف ان فيه برضو نماذج كتير في القرآن ما ثبتت على الطريق. بل ما ارتفت في طريقه الى الله سبحانه وتعالى الا بالعلم -

00:03:28

من هؤلاء الذين ثبتوا على الطريق؟ بما اتاهم الله عز وجل من علمه. ها؟ نماذج من القرآن ربما يعطيك الله سبحانه وتعالى المال والجاه والثراء من غير علم تضيع. من غير علم تنتكس. انما لو جمعت المال وجمعت مع المال -

00:03:48 جت وربطت هذا بالعلم ثبتت على الطريق. داود وسليمان عليهما الصلاة والسلام. اول شيء ربنا سبحانه وتعالى قاله لنا في قصة داود وسليمان ولقد اتينا داود وسليمان ها؟ علما. النعم يا اخواني لها فتننا. النعم -

00:04:15 زي ما اخذنا في درس في دروس رمضان. النعم لها سكرة. عارف رافعاني الله واياكم؟ اللي بيشرب خمرة او مخدرات تلقيه سكت النعم ايضا لها سكرة. فيه واحد لما ربنا بييفيض عليه بالمال سكرة المال تنسيه ربنا -

00:04:35 ودي اللي دايما بيسميها علماء السلوك سكرة النعم. فيه ناس ربنا يديها نعم كتير تطفو في الارض كقاربون. فيه ناس ربنا سبحانه وتعالى يديها نعم كتير يسخروها في معصية الله. فلما نسوا ما ذكروا به فتحنا عليهم ابواب كل شيء -

00:04:55 حتى اذا فرحوا بموت اخنائهم. ليه اخنائهم؟ لأن النعم اصابتهم بالسكرة. السكرة دي اللي هي بنسمها سكرة النعمة خلتهم عصوا ربنا سبحانه وتعالى. ربنا ادي لهم النعم بایديهم عصوا ربنا. النعم لها سكرة تانية. وهي سكرة الكبر والعشب -

00:05:15 بالنفس تلقي في يوم من الايام واحد كان فقير عمل بدأ يتاجر ربنا وسع عليه زاد المال قوي بعد ما كان متواضع مع كل الناس بقى متكبر جدا على خلق الله -

00:05:35 كيقوم بعد فاما عاد فاستكبروا في الارض بغير حق وقولوا من؟ اشد منا قوة. سكرة النعمة النعم في كتير من الاوقات بتكون سبب في الانكاس. النعم في كتير من الاوقات بتكون سبب في الانكاس. زي ما تشووفوا -

00:05:45 ودايما تلحوظ دايما يا اخواني ان اعلى نسبة فساد بتكون في الطبقة الایه الثرية المترفة الفساد فيها بيبقى كبير قوي الانشار للفواحش وانتشار الموبقات بين الطبقة دي بيبقى كبير قوي الا ما عصم الله عز وجل الا ما رحم الله عز وجل -

00:06:05 تلقي دايما ربنا كده عصبه ليه تلقي دايما عنده علم؟ فسبحان الله النعم لها سكرات فافاض الله عز وجل على داود وسليمان النعم الملك اعطاه الله عز وجل لكلا النبيين الملك والمال والثراء والاتباع ناس اتباع كتير دي -

00:06:25 كلها نعم ممكن تصيب الانسان بسكرة ممكن تخلی الانسان ينحرف عن الطريق. السبب الاساسي في ثبات داود وسليمان كان عشان كده ربنا سبحانه وتعالى قال ولقد اتينا داود وسليمان ايه؟ ها؟ علما. وقتل داود جالوت واتاه الله -

00:06:45 ها الملك والحكمة وايه؟ وعلمه. وعلمه ما يشاء. قال الله ففهمناها سليمان. وكلا اتينا حكما وعلما. سبت داود وسليمان قصاد فتن العطاء وصد فتن المال قصاد فتن الملك. بالعلم اللي كان عندهم ما انتكسوش -

00:07:05 ما انتكسوش ادي الحاجة الاولانية ادي داود وسليمان قد يتعرض الانسان منا لبلاء شديد واللي احنا اتكلمنا عنها في اسباب الانكاس ان ممكن مسلا اخته تطلق. ده انا شفناه كتير. اخت طلقت. بعد ما طلقت بسبب البلاء انتكس -

00:07:25 تلقيها قلعت نقابها وبدأت تلبس مش كوييس ومش عارف ايه. فالبلاء في كتير من الاوقات ضغط البلاء على الانسان بيخليه في كتير من الاوقات انه ينتكس. سبحان الله! اسأل نفسي سؤالا وهل هناك احد تعرض لبلاء كما تعرض له يوسف عليه الصلاة والسلام -

00:07:45

البعد عن الام انه يباع بيع العبيد بعدما كان نبيا كريما بعدها كان من نسل الانبياء والمرسلين انه يكون عبد عند امرأة في قصر انه يحبس ويسجن انه يتهم في عرضه ولا يستطيع الدفاع عن نفسه. كتير من الاوقات الناس -

00:08:05 مع ضغط البلاء تلقيه انتكس. تلقيه مع ضغط البلاء تلقيه والعياذ بالله بينتكس. ما السر وراء ثبات يوسف عليه الصلاة والسلام بهذه الصورة. ايه السر في ان يوسف عليه الصلاة والسلام يثبت لآخر لحظة -

00:08:25 سر في ذلك العلم. ربنا اتاه العلم النافع. وما رفع الله نبيه يوسف عليه الصلاة والسلام بعد النبوة بميت للعلم لذا قال الله سبحانه وتعالى ولما بلغ اشده ها قبل اي شيء يعطي يوسف اتيناه ايه -

00:08:45

حكما وعلما. اعطيناه العلم. لان العلم ده هو اللي هيقدر به. يثبت على الطريق كن قدوة يقتدي به كل الخلق. ثم من بعد ذلك يكون قادرنا على قيادة الامة. الامم لا تقاد الا بالعلم. الامم لا تقاد - 00:09:05

الا بالعلم. ثبت يوسف عليه الصلاة والسلام. وفي نهاية القصة يقول ربى قد اتيتني ها من الملك وايه فعرف قيمة العلم. وعلمني من تأويل الاحاديث. فيطرى السماوات والارض انت ولی في الدنيا والآخرة توفني - 00:09:25

الزمن والحكم بالصالحين. فيوسف عليه الصلاة والسلام مهما كانت البلاءات كان عنده من العلم اللي بفضل الله تبارك وتعالى يتخطى بها مرحلة الاباء. ادي يوسف عليه الصلاة والسلام. ابراهيم عليه الصلاة والسلام هل فيه حد من بمحن وازمات كالازمات اللي تعرض لها ابراهيم - 00:09:45

عليه الصلاة والسلام انا ممكن في بعض الاوقات ا تعرض لمشكلة مع حد انتكس. حد يظلمني انتكس بعض الاخوات النهاردة تعرضت لمحنة شديدة او هي دينة فاضلة لها واحدة صاحبتها مش محجبة عايشة حياة كويسة جدا - 00:10:05

فهنا تقول طب ليه بقى ؟ فهموني ليه بقى ؟ تبدأ بقى مرحلة التخطيط. لان ما فيش علم. ابراهيم عليه الصلاة والسلام رغم المحن التي مر بها ورغم البلاءات والشائد التي مر بها يحارب من قومه يطرد من ابيه واقرب الناس اليه يهدد - 00:10:25

والطرد خارج البلد. ثم بعد ذلك يهدد بالرمي في النار. فهنا الانسان منا آا يتتحمل ده كله ازاي ؟ لا يتحمل الانسان منا كل هذا الا بالعلم. طول ما عنده علم وبصيرة وحكمة تلقي كل ده بيمر على الانسان مرور الكرام - 00:10:47

يا ابتي اني قد جاءني من العلم. اني قد جاءني من العلم ما لم يأتكم فاتبعوني. اهدك صراط قوية. اذا العلم اللي ربنا عز وجل اعطاه لنبيه ابراهيم عليه الصلاة والسلام. نبينا موسى.نبي الله موسى. اظن ما فيش - 00:11:07

امة بهدلت النبي كامة بنى اسرائيل مع موسى وكمشري مكة مع النبي صلى الله عليه وسلم. ما فيش امة اذت نبيها كابي بنى اسرائيل لموسى عليه الصلاة والسلام. حتى ان النبي صلى الله عليه وسلم كما في الصحيحين ان ذا القويصرة لما اتى للنبي وقال يا محمد اعدل فان - 00:11:27

انك لم تعدل اول كلمة قالها النبي ايه ؟ رحم الله اخي موسى فقد اوذى باكثر من هذا فصبر. صبر ليه بقى ازاي ؟ يعني ايه وايه الاسباب اللي خلته سابت على الطريق! العلم سورة القصص ربنا يقول لنا ايه ؟ ولما بلغ اشهده - 00:11:51

ده هو ايه ؟ ها واستوى اتيتني حكما وعلما. العلم ده يا ابني اللي يرفعك دنيا وآخرة العلم ده اللي ربنا يرفعك به دنيا وآخرة. بل لا يمكن الله للدين. بصوا يا اخواننا. هذا الدين مبناه الاساسي على - 00:12:11

علم يوم ما يكون كل واحد فينا متفوق في مجاله العلمي هنا احنا بنمك للدين. احنا مش بنمك لامجاد شخصية يوم ما كل واحد فينا ينجح في مجاله العلمي ويتفوق في مجاله العلمي. صدقوني والله. صدقوني والله. هيعود لlama مرة تانية - 00:12:31

امر الريادة وامر قيادة الامم كلها بالعلم علشان كده ربنا علمنا ان من اعظم الاسباب التي مكن الله بها لذى القرنيين كانت العلم. انما سجلنا له في الارض ها ؟ واتيناه من كل شيء ايه ؟ ما معنى اتيتني من كل شيء سببا ؟ قال اهل التفسير - 00:12:51

من كل شيء سببا اي اتيتني من كل شيء علما. علمه الله عز وجل. ربنا علمه. ولما اتاه الله العلم هل اتفق ؟ لا ما اكتفash. بل فاتبع ايه ؟ وصل لحد معين من العلم. ما اتفاش به. بل فضل مكمل - 00:13:17

وكان امر العلم ظاهر جدا جدا. وعشان اقول لكم دايما ان القيادة وريادة الام او رياادة الام او قيادة الامة لlama على العلم اتفرج على دور العلم في قصة ذي القرنيين مع اخر رحلة قام بها ذو القرنيين. علشان تعرف العلم قد ايه مهم جدا للام - 00:13:37

عشان تعرف العلم قد ايه كان مهم للام. احنا محتاجين العلم. لان العلم هو اول سبيل الثبات بعد الله سبحانه وتعالى. كل ما ازداد الانسان معرفة وعلما نافعا كلما كان هذا مؤديا للثبات على الطريق. ليه ؟ وايه علاقة - 00:13:57

العلم بالثبات على الطريق. تعالوا نرتب بقى افكارنا واحدة واحدة كده ونمسي على خطوط عريضة اساسية كده بقى ماشيين عليها واحدة واحدة العلاقة بين العلم النافع وبين ثبات الانسان على الطريق. من البداية يا اخوانى - 00:14:17

الانسان منك كلما ازداد علما لو تفتقروا في الدرس من درسين ثلاثة كده قلت ان من اعظم اسباب الانتكاسات كثرة الشبهات اللي

بتلقى على الانسان. تلقيه داخل على موقع ملحدين ولا موقع مش عارف علمانيين. سمع منهم - [00:14:37](#)

بعض الشبهات كده سيطرت على قلبه وعقله وكيانه ووجوده انتكس العلم بها به تعالج هذه الشبهات. وتلقي الانسان ما شاء الله ثابت على الطريق. لا تزحزح هذه الشبهات ابدا. تعالوا اضرب لكم مثال لان المثال من من الواقع النبوى او الكلام النبوى بيفهمنا ماذا نريد من هذا المعنى - [00:14:57](#)

قال النبي صلى الله عليه وسلم ما خلق الله فتنة منذ ان خلق الخلق اشد الناس من من ايه؟ لا لا لا في فتنة اشد من النساء. وبعدين ما لكم كلكم مرة واحدة قلتم النساء كده. ايه الحكاية؟ الا من فتنة الدجاج - [00:15:22](#)
الدجال ده اعظم فتنة خلقت على وجه الارض. وما من النبي الا وانذر امته الدجال. وقال لهم اخر الامم وهو خارج فيكم لا محالة. اذا
فيخرج فيكم وانا معكم فانا حجيج - [00:15:52](#)

وان يخرج فيكم بعد ما يقبحن الله سبحانه وتعالى بكل امرى حجيج نفسه. النبي حذر كثير جدا من فتنة الدجال ولكن سبحانه الله
نجد ان الدجال يصعب عليه دخول المدينة. ومكة. والنبي صلى الله عليه - [00:16:12](#)
يسلم اخبارنا ان من اعظم اسباب ثبات الانسان امام فتنة الدجال كانت العلم. حتى اذا وصل الى مشارف المدينة كلام النبي صلى الله
عليه وسلم خرج اليه شاب من رجالها واحد زبكم كده طالب للعلم بیحب العلم بیحب الفقه - [00:16:32](#)

اللى بیحب التفسير بیحب الحديث بیحب العلماء بیسمع كثير. فيخرج اليه. حتى اذا نظر في وجهه قال انت المسيح الدجاج اول ما
یشوفه بقى بعد ما يعرض عليه من الفتن ما يعرض يقول له بص انت المسيح الدجال. فيأمر المسيح جند - [00:16:52](#)
فيأتون بالمنشار فيوضع على مفرق رأسه فيجعله شقين. يجبر منشار ويحطه على مفرق رأس الولد ده فيجعله شقين فيمشي
بينهما. شف الفتنة عاملة ازاى! فيمشي بينهما. ثم يقول له كن فيقوم الشاب قائما بين يديه سليما معافى - [00:17:12](#)
في فتنة اشد من كده؟ فيقول الغلام والله ما ازدلت فيك الا بصيرة انت المسيح الدجال الذي اخبرنا به رسول الله. انا كده ازدلت بك
بصيرة. فيك بصيرة. انت المسيح الدجال. حته التي اخبرنا - [00:17:32](#)

رسول الله ده دلالة انه كان ايه؟ كان مذاكر. كان قارئ كويس. كان عالم كان طالب علم. مهما كان الفتن يقول له اه عارف ما هو النبي
قال لنا زمان ان فيه شاب من المدينة هيطلع يتقسم نصين فيقول وانا ما ازدلت فيك الا بصيرة. انت المسيح الدجال - [00:17:52](#)
كلمة بصير الذي اخبرنا رسول الله كلمتين يدلوا ان الشاب ده كان متعلم صح. ان الشاب ده ووه كان اتعلم صح فلا تهزه ابدا رياح
الشبهات. شاب النهارده بیجي يقول لك الاسلام ظلم المرأة. ليه يا ابني؟ ليه ظلم المرأة - [00:18:12](#)

يقول لك اصل هو الاسلام زلم المرأة علشان جعل شهادة المرأة نصف شهادة الرجل. اه صح ليه يعني المرأة تبقى نص الرجل يعني؟
ليه؟ نقول له طيب يا ابني احنا في عندنا حدیث - [00:18:32](#)
ان امرأة شهدت على رجل وزوجته انها ارضعتهما. هي واحدة بس. فلما اخبر وهذا الرجل رسول الله اقام شهادة هذه المرأة بشهادة
رجلين. وفرق النبي بين الزوج والزوجة ما هنا شهادة المرأة بقت بشهادة ايه؟ عندك الحنة دي ولا مش عندك؟ لا مش عندي. طب يا
ابني - [00:18:54](#)

عندك آآ في الفقه اذا رأى هلال رمضان امرأة بس واحدة من النساء بس شافت الهلال صامت الامة كلها برأيتها. عندك دي؟ فامر مهم
كبير كده من امور الامة عندك؟ لا - [00:19:24](#)

طب يا ابني في سورة النور في قضية الملاعنة بين الزوج والزوجة ربنا جعل شهادة الرجل زي شهادة المرأة بالزبط. عندك دي لأ امال
انت بتقول لسام زالم المرأة ليه - [00:19:44](#)

انت بتقول الاسلام دلوقتي لظالم المرأة ليه؟ ها نعمل ايه؟ اه صحيح. تلقي العلم هنا لما استقر جوة القلب قاعد في مواطن المرأة
بتتساوى مع الرجل في الشهادة. وفي مواطن المرأة شهادتها بتكون ضعف شهادة الرجل - [00:19:59](#)
وفي مواطن المرأة المرأة بتكون شهادتها نصف الرجل. المرأة فيما تعرف كما قال الامام احمد المرأة فيما تعرف احكام بقى الحيض
احكام النساء الاحكام المتعلقة بالنساء كلها شهادة المرأة ضعف شهادة الایه؟ ضعف شهادة الرجل. والامور - [00:20:19](#)

التي لا يشهدها الا الرجال شهادة الرجل فيها ضعف الایه والامور التي يتساوى فيها الرجال والنساء فشهاده لي المرأة فيها ازاى شهادة الایه انت عندك التقسيمة دي ؟ لا. طب يا ابني والله يا اخواني والله انا باشوف هذا الكلام ليل نهار هنا في المسجد - 00:20:39 مع الشباب اللي الحد بسبب شبهات اتعرضت عليه زي دي كده. متخييل ! شباب الحد بسبب حاجات زي كده هنا بقى بيأتي دور العلم. هنا بيجي دور العلم اللي بيزييل عندي بقى كل الكلام ده كله. اللي بيزييل عندي كل الكلام ده كله - 00:20:59 هو ليه الاسلام حرم الاختلاط ؟ ليه الاسلام يعني حرم الاختلاط ؟ واحنا عندنا النهاردة يعني الولد لما يكون مع البنت حياتهم بتكون افضل انما طول ما انتم قاعدين الولد على البنت الولد بيطلع معقد والبنت بتطلع معقدة. طب يا ابني يا ابني مجرم امريكا. طلع من امريكا - 00:21:19

اتكلم مصرح ان الجيش الامريكي وجده فيه متين ستة وتلاته الف حالة تحرش بين المجندين ده ده اللي ظهر ده اللي اتعرف. فما بالك بقى باللي اتعمل بالرضا عليكم السلام ورحمة الله وبركاته - 00:21:39 ادي نتيجة الاختلاط. الانسان يشوف بقى بيتص بعده. كل ما كان الانسان عنده من العلم كلما كان هذا الانسان في عن هذه الشبهات. الشبهات اللي بتطرح ليل نهار دي تلاقيك بفضل الله في مأمن منها بفضل الله سبحانه وتعالى. العلم يا اخواننا الشبهات دي بالزيت عاملة زي - 00:21:57

ما فيش اللي تخش تعيش في المكان المظلم بس. اول ما بيوقد نور العلم في هذا المكان تخرج الخفافيش برة. تلاقي شاب جاي بيسألك اسئلة يعني ايوة يا ابني طب آآ القرآن انت بتقولوا عذاب القبر! القرآن ما فيش فيه اصلا اية عن عذاب القبر! تلاقي سبحان الله - 00:22:17

يعني الانسان بكل طمأنينة طب ما هو يا ابني ربنا سبحانه وتعالى قال باسم الله الرحمن الرحيم مما خطينتهم ها اغرق ها فادخلوا نار قوم نوح مما خطينتهم اغرقوا. قوم نوح هم فادخلوا ناره. الامام الرازي بيقول ادي اية دي اهي - 00:22:42 من اعظم الایات التي يستدل بها على اثبات عذاب القبر. منين يا سيدى؟ قال فاء الفاء دي تدل على ايه في اللغة؟ سرعة. بيقى بمجرد اغرقوا ها ولا يمكن ابدا يأتي اسلوب القرآن اني فادخله ناره وهم يخشووا نار الاخرة. فادخلوا الامر الثاني قال لك ادخلوا ده - 00:23:02

فعل ماضي ولا فعل ايه؟ اي نوع من انواع الماضي ولا مضارع ولا امر؟ ماضي. بيقى اذا الماضي ده دخل ولا ما دخلوش؟ فتلاقيه اه صحيح استقر. واحد بيجي يقول لك كيف نقبل الاحاديث وما كتبت الا بعد رسول الله بمتيين سنة. البخاري كتب الصحيح بتاعه بعد متيين سنة - 00:23:22

انت انت متأكد من الكلام ده يا ابني؟ طب موطن مالك؟ رحمة الله عليه كاتب امتي موطن الامام مالك انتكتب امتي ما بعد تسعين هجرية تسعين هجرية انتكتب موطن الامام مالك طب وما قبل الامام مالك كان فيه كتب؟ اه طبعا كتب الصحابة رضي الله عنها اللي كتب رضي الله عنهم اللي كتب - 00:23:42

روى عن النبي صلى الله عليه وسلم ابو هريرة كان بيقول ما كان احد احفظ لحديث رسول الله مني الا عبدالله بن عمرو بن العاص فان انه كان فانه كان يكتب ولا اكتب. عبدالله ابن عمرو كان بيكتب الاحاديث اللي بيحفظها عن النبي صلى الله عليه وسلم. وهذا من - 00:24:10

قام بتدوين السنة في زمن النبي صلى الله عليه وسلم. السنة يا ابني مدونة. السنة يا ابني مدونة. من لحظة وجود النبي صلى الله عليه وسلم مع الصحابة النبي لما قام وخطب في الناس خطبة عسماء بين فيها احكام الشريعة. جاءه رجل اسمه ابو جهل. فقال يا رسول الله ابني رجل لاحفظ فاكتتب لي - 00:24:30

قال النبي اكتبوا لابي. عفوا لابي شاة. اكتبوا له. كتبوا الخطبة كلها نصوص النبي كانت مكتوبة. اللي يقول لك ما كانتش مكتوبة قبل كده آآ مش صحيح. يقول لك بس اللي نقل لنا السنة ممكن يكون السنده فيه واحد ضعيف. علماء الاحاديث بفضل الله عز وجل - 00:24:50

كتبوا لنا مدونات عن رجال الاحاديث اللي حملوا لنا الاحاديث فوق المتبين الف رجل ما من رجل الا وعرفونا عن من تلقى العلم ومن عنه العلم ثم عرفونا حاله هل هو انسان حافظ ولا انسان ضعيف؟ ولو ضعيف بيترامي حديثه. واضح؟ طب ما هو ممکن حد يكون دخل - 00:25:10

لنا كلمة كده في علم كامل في علم الحديث في علم اسمه علم الادراج. اللفظة المدرجة داخل السندي يعرفونا لو حد دخل كلمة في الحديث مين اللي دخلها ومين اللي قالها زي مسلا حديث النبي صلى الله عليه وسلم ويل للعقاب بين -

00:25:30

فابو هريرة في يوم شاف الصحابة بيتووضوا كده واعقاهم مش مفسولة فقال ايها الناس اسبغوا الوضوء. ويل للعقاب من فنلاقي العلماء يقولون اسبغوا الوضوء دي ليست من كلام النبي صلى الله عليه وسلم انما هي من كلام علم كامل اسمه علم الادراج. اللفظ -

00:25:50

الزيادة في قلب الحديث يقول لك مين اللي زاد الزيادة دي؟ وماذا كان يعني؟ ده ابو هريرة كان عايز يقول للناس اسبغوا الوضوء وبعدها ما يلوم ايه؟ سمعت النبي يقول - 00:26:10

قل ويل للعقاب من النار فالراجل ضم اللي جايب روض من بعد ابو هريرة من الكلمتين مع بعض. لا بفضل الله عندنا علماء الحديث قالوا لنا ايه - 00:26:20

ه؟ اللفظة دي مين اللي زادها؟ عندنا علم كامل في علم الحديث اسمه علم الزيادة. الزيادة لو حد زاد كلمة في الحديث نقبلها ولا لن اقبلها وايه شروط القبول؟ وايه شروط الرد؟ وامتنى تكون زيادة ثقة وامتنى تكون لفظة شازة؟ علم طويل كده. الله! يعني احنا اتضحك علينا لما قالوا لنا - 00:26:30

ده السنة الدولية بعد متبين سنة؟ اه والله يا ابني اتضحك عليك اه والله فعلا اتضحك عليك. فازا ازداد الانسان علما كلما كانت هذه الشبهات ابعد عن هذا الانسان واحدة تيجي تقول ايه المشكلة يعني؟ ايه المشكلة يعني؟ ان انا النهاردة ابقي عندي اخلاق ومش لابسة حجاب - 00:26:50

مش اهم حاجة القلب؟ طب يا بنتي تلاقي بقى لحد عنده علم فاهم كده يقول لها طب يا بنتي اسألك سؤال لو انت في الكلية عندك سنت مواد نجحت في ثلاثة وسقط في ثلاثة. بتعدى السنة ولا بتعدى؟ ها؟ ما تردو - 00:27:15
بتعدى بتعدى ليه؟ ما هي نجحت في ثلاثة. صح؟ اذا العلم يا اخواننا بيزييل من رأس الانسان هذه الشبهات. الامر الثاني من اعظم ما يتعلق بالعلم يا اخوانى ان هذا العلم يدىك دلا على كيف - 00:27:35

فتتعدد لله عز وجل. تعالوا يا اخواننا انا نفسي اعمل معكم مشروع ننتهي منه مع يوم عرفة. كلنا نخش النهاردة على موقع اسمه المكتبة الوقافية. اسمه المكتبة الایه؟ الوقافية. والموقع ده ننزل - 00:27:55

كتاب اسمه صحيح الترغيب والطبيب. او اكتب على جوجل كده تحميل كتاب صحيح الترغيب والترهيب. الكتاب ده فيه تلت تلaff حديث لو كل يوم نقدر ساعة نقرأ في الكتاب ده. النهاردة واحد وعشرين. ذو القعدة. يعني احنا قدامنا تسع تيام - 00:28:15
وتسعة كمان ادي التمنتasher يوم. التمنتasher يوم دول لو قسمنا عدد الاحاديث التللت تلaff على التمنتasher بيقى كل يوم تقريبا متبين حديث ساعة واحدة. تقرأ متبين حديث. سبحان الله! تقرأ من بين الاحاديث كده. حديث عظيم - 00:28:35

عبدالله بن عمرو بن العاص صلينا مع رسول الله صلى الله عليه وسلم المغرب فرجع منا من رجع وعقب منا من عقب عقب وقد منا في المسجد من من جلس. وعقب منا من عقب. ينتظرون العشاء. فخرج علينا - 00:28:55

النبي صلى الله عليه وسلم مسرعا قد حفذه النفس. قد كشف عن ساقيه من شدة الجري. وقال قد فتح بابا الى السماء من السماء بياهي بكم الملائكة الان. يقول انظروا الى عبادي هؤلاء قد قضوا فريضة وهم ينتظرون فريضة - 00:29:15

اخرى استشعر الان دلوقتي حالا اهو واحنا قاعدين ان باب السماء بيتفتح باب السماء بيتفتح وربنا بياهي بكم الان الملائكة ان انتم صليتوا المغرب وقاعدين تنتظروا العشاء. وفي مجلس علمي كمان. حالك يكون ايه؟ كلما ازداد الانسان علما كلما ازداد - 00:29:35

بصيرة بعبادات الدين بالعبادة اللي ربنا امر بها. جزاكم الله خيرا. تلاقي بقى عندك حب ان انت تقعد في المسجد. النبي صلى الله عليه وسلم حديث كده صحيح الترغيب والترهيب رواه ابو داود في السنن ان النبي صلى الله عليه وسلم قال من خرج من بيته متوضئا او - [00:29:55](#)

ظاهرا الى الصلاة المكتوبة فاجرها كاجر الحاج المحرم. انك تبقى في بيتك تتوضأ احنا كلنا واحنا صغيرين كنا نقول احنا هنتوضى فين؟ كانت الام كده ربنا يا رب يحفزها ويبارك فيها. شفنا نازلين نصلي. رايج فين يا ابني؟ انا رايج اصلي. طب ما تتوضى يا ابني! لا انا هتوضى في المسجد - [00:30:15](#)

بعد ما عرفت الحديث ده انت ممكن تتوضى في المسجد تاني انك تاخد اجر الحاج لو توضيت في بيتك ورحت الى المسجد ممكنا سيب ده تاني ده لا يمكن. انا خلاص انا عايز اجر حجة. لو جيت المسجد في يوم من الايام ولقيت شيخ بيتكلم - [00:30:35](#)

بعد ما سمعت هذا الحديث قال النبي صلى الله عليه وسلم من اتي الى المسجد لا يريد الا ان يتعلم علما او يعلمه انه جاي يتعلم او يعلم الا كان اجره كاجر الحاج المحرم. لو سمعت شيخ بيتكلم هتعمل - [00:30:55](#)

انا عايز اقدر عايز اتعلم. انا عايز اتعلم. فالانسان منا لما يسمع هذا الكلام تلاقي سبحانه الله يعني حريص على العلم وكل يوم ياخد يعني اجر جديد ونية جديدة. تخيل ان النبي صلى الله عليه وسلم يا خالد بيقول - [00:31:15](#)

يبقول كان في حديث عثمان الذي رواه مسلم ان العبد اذا قام ليتوضأ فاذا غسل يديه خرج الخطايا التي ارتكبها بديه مع الماء او مع اخر قطر الماء. اي حاجة غلط عملها بايده تلاقي الزنوب بتتساقط - [00:31:35](#)

مع الماء او مع اخر قطن ماء. فازا غسل وجهه خرجت الخطايا التي ارتكبها بوجهه. وفي رواية يعنيه ولسانه واذنه. مع الماء او مع اخر قطر الماء فازا غسل رأسه واذا غسل قدميه خرجت الخطايا التي ارتكبها برجليه مع الماء او مع اخر قطر الماء - [00:31:55](#)

فتستشعر وانت بتتوضى كده وانا بتتوضى اكني وانا بغسل ايديا كده. ذنوبى عمالة تتتساقط. يا ما انت كريم يا رب ايه ده! ايه فضل ربنا ده! فتلاقي العلم يخليك وانت بتتوضى مركز. تستشعر كده حديث النبي صلى الله عليه وسلم - [00:32:15](#)

يا رسول الله وكيف تعرف امتك يوم القيمة ولم ترهم؟ هتعرفهم ازاي يا رسول الله؟ قال ان لكل امة بن سيما لكل ام يوم القيمة عالمة. وان نسيم امتي يوم القيمة غرا محجلين من اثار الوضوء. انا هعرفكم يوم القيمة - [00:32:35](#)

يا خالد كده وانت على الحوض وانت على الحوض بتغسل ايدك بتتفتكر ان الوضوء ده هيوصلك يوم القيمة لحوض مين فالحرب ها احمد فاكر؟ فالحرب اهو بتاع الدنيا اللي بتتوضى عليه يذكرني بحوض الامارة بتاع النبي صلى الله عليه وسلم - [00:32:55](#)

وان النبي بيديني شوية مية اشرب منهم لا اظماً بعدها ابدا طعم العبادة زات نفسها بيتغير. يعني طعم العبادة طعم الوضوء اصلاً اتغير تماماً. ما انت عمال تتوضى وعمال ترکز وتستشعر - [00:33:15](#)

ايه اللي هيحصل لك بسبب هذا الوضوء؟ الله اكبر. وانت على الصراط وانت بتترفع رجلك كده على الحوض بتاع الحمام علشان تغسل رجلك تفتكر كده يعني الاقدام على الصراط النبي صلى الله عليه وسلم قال ان الصراط دحض مذلة. شديد يعني دحض يعني يعني ايه - [00:33:31](#)

هل السقوط من عليه بيزحلق يعني؟ ما زلق يتزل على الاقدام. ففي كتير من الاوقات كده وانت بتتوضى وانت بتترفع رجلك كده حاجة تقول لك ايه خد بالك خد بالك عشان ما تتحلقوش. فعشان ما تتحلقوش دي تفتكر ايه؟ الرجل ما تتحلقوش على على الصراط. واكتر حاجة تنور لك طريقك - [00:33:58](#)

على الصلاة هي الوضوء والصلاحة صح فتلاقي طعم العبادة اختلف. تلاقي العلم دايماً بيدفعك دفعاً. العلم بيدفعك دفعاً. انك كل يوم بتتأتي بعبادة جديدة. لأن انت كل يوم بتقرأ جديد عن الدين بتتعلم - [00:34:18](#)

معلومات جديدة فتبدأ تطبقها. اتنين العلم ده يا اخوانا بيخليك بفضل الله او بيخلي للعبادة نوع من انواع لها طعم كده. واحد سبحانه الله حديث معاوية بن جهيمة السلمي - [00:34:33](#)

قال اتيت النبي صلى الله عليه وسلم اريد الجهاد معه. قال فلقيته صلى الله عليه وسلم فقلت يا رسول الله اني اريد الجهاد معك.

ابتغى بذلك وجه الله الاخرة فقال ويحك اخي والداك؟ قلت نعم يا رسول الله. قال - 00:34:53

الزم اقدامهما. ما تسيبش رجليهم. قال فاتيته عن يساري يا رسول الله اريد الجهاد معك ابتغى بذلك وجه الله والدار الاخرة. قال ويحك اخي والداك؟ قلت نعم. قال الزم اقدامهما. قال فاتيته من - 00:35:23

ثامن يا رسول الله ابني اريد الجهاد معك ابتغى بذلك وجه الله والدار الاخرة. قال ويحك اخي الوالدات؟ قلت نعم. قال الزم فان الجنة فم. رح الزم رجل الاب والام. الجنة هناك. الجنة عند اقدام الاباء والامهات. مش الام بس - 00:35:43

اباء وامهات تسمع الحديث ده تسمع الحديث ده وفي يوم من الايام تلقي والدتك بتقول لك يا ابني انا رجلها واجعاني طب انا قايم اصلبي قيام ليل لا لا الزم اقدامهما فان الجنة ثم. تروح تبات تحت رجل والدتك. وعمال تدلك في رجلين والدتك علشان تريحها شوية 00:36:03 -

محمد ابن المنكدر والدته ورجلها كانت فيها مشكلة. فمحمد ظل طيلة الليل بجوار امه تداوي لها قدمها واخوه قاعد طول الليل واقف على رجلها عمال يصلي قيام ليل. فلما اصبح قال محمد - 00:36:30

منكدر والله لا ليتني افضل من ليتني. انا ليتني افضل من ليتني. انا ليتني كنت فين؟ في الجنة الله يفتح عليك. انا ليتني كنت في الجنة تحت رجلين والدتي. تخيل لما يكون العلم عندنا - 00:36:51

يصرن بهذه المعاني. العلم لما يفهمنا العلم ببصরنا بهذا الكلام. كلما زاد الانسان علما كلما اولا اول حاجة تلقي الانسان ما شاء الله لا قوة الا بالله كل يوم بيزداد معلومة جديدة تلقيه رايح يطبق رايح يعمل رايح - 00:37:11

اشتغل تلقي سبحان الله العبادة بقى لها طعم. تخيلوا يا اخواننا ان النبي صلى الله عليه وسلم شوفوا بقى علم بيعمل ايه مع الناس؟ تخيل واحد عنده معلومة وواحد ما عنده معلومة. الفرق بينهم ازاي؟ تعالوا نشوف الحديث ده. كان رجل في المدينة - 00:37:31

من بعد الناس بيته ابعد بيته عن مسجد النبي صلى الله عليه وسلم. يعمل ايه بقى؟ ها فكان يأتي الى المسجد ماشيا ويعود ماشيا حتى رقت قلوب حتى رقت قلوب الصحابة عليه. يا ابني حرام عليك. في الحر تعمل ايه - 00:37:51

وفي البرد تعمل ايه فقال والله لا يزال هذا حالى. انا هفضل كده اروح للمسجد مشي وارجع من المسجد ايه؟ مشي. فشكوت سئل رسول الله صلى الله عليه وسلم. فقال النبي صلى الله عليه وسلم سلوه لما يفعل هذا. فلما سأله قالوا - 00:38:15

انني اريد ان يكتب الله عز وجل لي ممشاي خطايا هذه ذهابا وايابا. يا جماعة انا مستشعر كده مش النبي كان هنا كل خطوة بحسنة انا عايز كده وانا رايح وانا جاي رينا يكتب لي هذا الكم الهائل من الحسنات. فقال النبي صلى الله عليه وسلم بشروا بشر - 00:38:40

ان الله عز وجل قد كتب له ذلك كله. اللي كان بينويه كله خده. شفتم الفرق بين الاثنين ناس يقولوا له اركب هو يقول لا انا هفضل ماشي. ليه انا عايز الاجر؟ هو ده يا اخواننا العلم. العلم يدفعك دفعا دائمًا كده للاستزادة. عشان كده ابقى اقول لكم مشروع اهو يا اخواننا - 00:39:00

مشروع كبير قوي عايزين نطبقه. نزل من على جوجل صحيح الترغيب والترهيب. وكل يوم اقعد نص ساعة. اقرأ ميت حديث. وشف كمية الاحاديث اللي فيها عبادات جديدة. انت اول مرة في حياتك آآتعرفها او تاخذ بالك منها. تبدأ تطبقها وسبحان الله في الوقت ده بيدأ - 00:39:20

حاله اصلا يتغير في العبادة. الامر الثالث من اعظم الامور فاكرين في درس اسباب الانتكاس كنت بقول ان من اسباب الانتكاس ممكن يكون في بعض الاوقات سببه الاساسي ذنب وقع فيه الانسان. ان الذين تولوا منكم يوم التقى الجمuan انما ايه؟ ها - 00:39:40

لهم الشيطان ببعض ايه؟ هم اصلا زلوا بسبب معصية قديمة. الانتكاس كان بسبب معاصي. من اعظم ما ينفع الله عز به العبد بالعلم ان العلم ده يا اخواننا هو الكاشف الكاشف للعصبية على حقيقتها - 00:40:00

كل ما الانسان ازداد علما كلما ازداد بصيرة بصورة المعصية على حياة شيطان لما بيجي يتعامل معنا في المعصية بيعامل بمبدأ ذكره الله عز وجل في القرآن على لسان الشيطان قال لازين لهم ايه؟ في الارض - 00:40:20

الشيطان بيقول لازين لهم في الارض. انا هعمل ايه؟ هبدأ ازبن لهم المعصية. طب هو التزيين ده بيكون لشيء ايه؟ مش حل الوحش

انا هجملها قدامهم فالمبأا الاساسي بيتلعب به معك آآ بنت عمتك في نفس سنك وانت ملخص قبل اللتزام اصلا كنتم - 00:40:40
من بعض شوية آآ انت ربنا هداك وهي بعدت شوية او اتجوزت. بعد فترة لقيتها دخلت على الصفحة عنده كاتبة لك كوممنت معين دخلت ردت على الكوممنت قامت سايباك من العام وقامت داخلة على الایه ؟ ده انت عارفين بقى. وقامت داخلة على الخاص. معلش يا محمد - 00:41:05

الله يصلاح حالك. آآ انت اخويا وانا بعتبرك دايما ان انت اخويا الكبير. والله انا انت ما تعرفش احنا اصلا كلنا بتعزك قد ايه. بالله عليك يا محمد انا نفسى ربنا يعني ياخد بايديها للطاعة. بالله عليك يا محمد رن علي في الفجر ضروري معلش. والله يا اخوانا اما من - 00:41:25

اتاه الله عز وجل العلم والحكمة والبصيرة. من اول لحظة يعلم ان هذا شيطان يريد ان يفتح بابا لمعصية اللي ربنا ادى له العلم يبقى عارف ان دي ايه ؟ ها ؟ ان دي ايه ؟ هي البداية. فمن البداية تلاقيه قام مغل الباب - 00:41:45
يقول لها والله حاضر انا هكلم اختي اديها رقمك. وانا ابقي اصحي اختي تصحيكي. والباب يتغلب ده اول خطوة اول خطوة الشيطان بدأ يقول له اهه معصية اهي - 00:42:05

الشيطان مش هيقول لك معصية. ده يقول لك انك تاخد بايديها لربنا وهيدرك بكل الاحاديث اللي وردت فضل الدعوة. ان الله وملائكته واهل السماوات الارض ليصلون على معلم الناس الخير وانت بتعلمها الخير. وبعدين ده النبي قال يعني لأن يهدي الله بك رجلا واحدا خير لك ها ؟ من حمر النعم - 00:42:23

يا خيي بقى انت بتتنقزها من النار وانت ويقول يقول لحد ما يوقعك. المؤمن مصير والله من اول لحظة النور تلاقيه سبحانه الله قام منور كده شاف الحاجة الغلط على حقيقتها. لا مش - 00:42:43

توصل للدرجة دي. اول سبحانه الله شف ربنا عز وجل اول ما قال في شأن يوسف عليه الصلاة والسلام ولما بلغ اشده اتى انه حكم وعلما اول ما المرأة قالت له هييت لك سبحانه الله العلم اللي ربنا اداه ليوسف عليه الصلاة والسلام بين له حقيقة الفعل - 00:43:03
اول حاجة قال لها يعني يعني انه ليفلح الظالمون. انا كده ابقي ظالم. والظالم ده لا يفلح لا في الدنيا ولا في الآخرة لا لا الموضوع منتهي تلاقي سبحانه الله من اتاه الله عز وجل مسحة من علم. وهو قاعد على الكمبيوتر بيشوف مسلا مقطع معين على اليوتيوب فلقى على اليمين - 00:43:23

كده صف من الفيديوهات المعروضة. مقتراحات ان ممكن تبص عليها. فعين وقعت على حاجة كده غلط اول حاجة عملها علم ان هذا من تسوييل الشيطان فكانـت النـتيـجة انه سبحانه الله قـفل. قـفل - 00:43:47

ليه يا اخوانا اللي ربنا سبحانه وتعالى بيعطيه العلم ده يا اخوانا عامل زي النور. الشيطان دايما بيحـاول خـلي الحاجـة المعصـية في مـكان مـظلم عـشـان ما تـشـوفـهاـش. اللي ربـنا بـيـديـ لهـ العـلمـ النـورـ بـيـقـومـ فـاتـحـ كـدـهـ بـيـبـيـنـ لهـ الحـقـيقـةـ. شـوـفـواـ سـبـحـانـ اللهـ روـيـ الـبـخـارـيـ - 00:44:07

في صحيحه من حديث ابي بكر رضي الله عنه الصحابي الـكـرـيمـ بيـقـولـ سـبـحـانـ اللهـ حـجـجـتـ بـعـدـ وـفـاـةـ النـبـيـ صـلـىـ اللهـ عـلـيـهـ وـسـلـمـ وـبـعـدـ ماـ حـجـيـتـ وـاـنـاـ رـاجـعـ فـيـ الطـرـيـقـ اـذـ بـعـائـشـةـ تـجـمـعـ النـاسـ - 00:44:27

فـنـادـتـ عـلـيـ وـقـالـتـ يـاـ اـبـاـ بـكـرـةـ صـحـابـيـ كـرـيمـ. تـعـالـ بـقـىـ مـعـنـاـ. فـبـدـأـ السـيـدـةـ عـائـشـةـ تـقـولـ لـهـ اـحـنـاـ هـنـزـوحـ بـصـرـ نـجـيـبـ رـجـالـ وـجـنـوـدـ عـلـشـانـ نـوـصـلـ الـمـدـيـنـةـ نـقـاتـلـ مـعـ عـلـيـ ضـدـ الـخـارـجـ الـلـيـ قـتـلـواـ مـيـنـ ؟ـ سـيـدـنـاـ عـثـمـانـ. فـسـيـدـنـاـ اـبـوـ بـكـرـ رـضـيـ اللهـ عـنـهـ - 00:44:46
وقف كـدـهـ السـيـدـةـ عـائـشـةـ وـطـلـحـةـ وـظـلـحـةـ وـالـزـيـرـ بـيـجـمـعـواـ نـاسـ وـرـاـيـحـيـنـ يـجـبـيـوـ نـاسـ وـرـاـيـحـيـنـ الـمـدـيـنـةـ عـشـانـ لـاـ لـاـ لـاـ قـالـ فـتـذـكـرـتـ قـولـ النـبـيـ صـلـىـ اللهـ عـلـيـهـ وـسـلـمـ مـاـ اـفـلـحـ قـوـمـ وـلـوـ اـمـرـهـ اـمـرـأـةـ. قـالـ فـوـلـيـتـ مـشـيـتـ - 00:45:06

ومـاـ شـارـكـتـ فـعـصـمـيـ اللهـ عـزـ وـجـلـ بـهـذـاـ الحـدـيـثـ. الحـمـدـ لـلـهـ مـاـ خـضـتـشـ فـيـ الفتـنـةـ بـسـبـبـ اـنـ رـبـناـ عـصـمـيـ بـحـدـيـثـ وـاحـدـ الـانـسـانـ الليـ تـلـاقـيـ سـبـحـانـ اللهـ وـالـلـهـ يـاـ اـخـوـانـيـ وـالـلـهـ يـاـ اـخـوـانـيـ الـانـسـانـ الليـ بـيـكـونـ عـنـدـ عـلـمـ وـعـنـدـ مـسـحةـ منـ - 00:45:26
بـيـشـوـفـ عـاقـبـةـ الـمـعـصـيـةـ قـبـلـ اـنـ تـسـقـطـ قـبـلـ اـنـ تـقـعـ. مـنـ مـيـتـ كـمـ يـوـمـ جـاتـ لـيـ هـنـاـ اـمـرـأـةـ تـطـلـبـ المسـاعـدـ سـبـحـانـ اللهـ اـنـ اـوـلـ ماـ

شفتها ده لا يمكن ابدا الشكل ده والهيئة دي تكون حد عايز ايه ؟ عايز مساعدة، ده لا يمكن. فانا استغريت - 00:45:46

فهي بدأت تقول لي انا عارفة ان شكلي مش بتاع مساعدة. بس والله يا شيخ احنا كنا اثرياء جدا. اغنياء جدا عندنا انا زوجي كيف مسجد من المساجد جاب كل التكبيفات اللي في المسجد على حسابه. انا زوجي كان عنده مصانع انا - 00:46:13

كان عنده كذا. انا زوج كان عنده كذا وكذا وكذا. قعدت تحكي حاجات طب وبعدين؟ قالت لي افتقرنا تقول لي والله ما عاد عندنا فلوس. والله يا اخوانا نصا كده قالت لي انا شغالة في سنتر دروس شغالة في سنتر دروس - 00:46:33

باحد في週الاسبوع ميت جنبيه. والله يا اخوانا زي ما باقول لكم كده شف وصل الحال بالمرأة دي لاييه وعندها اولاد فاكيد اكيد فيه حاجة فبدأت بقى تقول لحد ما زوجي والعياذ بالله خاض طريق النساء. في الحرم. تقول لي والله العظيم يا شيخ - 00:46:53
 من يوم ما خاض في هذا الطريق والخساير فوق دماغنا لا تتوقف. الى ان افتقرنا اقسم لك بالله يا شيخ ما عندي اي في البيت بس. ولو عايز تعرف ساكتة في حته راقية. وقالت لي على فكرة لو عايز تتأكد من الكلام - 00:47:20

اسأل الشیخ فلان امام مسجد كذا والشیخ فلان امام مسجد كذا. فدول من المنطقة اللي كان زوجي بيتولى امر المسجدین. مسجد منهم شایل التكبيفات كلها على حسابه طب وفي وقت من الاوقات فالانسان قبل ما يخوض الطريق يبقى عارف ان الطريق ده اخرته فقر الدنيا وفقر الآخرة - 00:47:40

اول ما بيشوف العلم بقى هنا العلم بقى هنا. بيدأ بيبص من البداية على المعصية مش في صورتها اللي الشیطان وضحها لي العلم دايما بيوصل لنا ان المعصية على الصورة الحقيقة لها. صورتها الحقيقة - 00:48:00

اللي خدم حرام ما اخذه الا بجهل. ما اخذه الا بجهل. كان ابن مسعود بيقول والله ما عصي الله اللي عصى ربنا ده جاھل اصلًا. لانه لو كان عنده علم كان لا يمكن بحال من الاحوال يعمل كده. اللي خدم فلوس من الحرام مره - 00:48:21
 من غير ما حد ياخد بالله. واستمتع بها شوية. لانه جاھل يستمتع بها مره واتنين وتلاته واربعه وخمسة. اللي تلاقي بقى ان ربنا سبحانه وتعالى من العلم حاطط قدام عينيه بكرة الوضع هيبقى عامل ازاي. ويفاجئ اتنين موزفين في مكتب واحد في مكان واحد واحد بياخد حرام - 00:48:41

والثاني ايديه نضيفة ان بعد فترة من الزمن الستارة اتكتشفت عن الاتنين. فالحرامي اللي كان بياخد فلوس حرام اتفضح قدام الناس كلها وفضيحته الان ها تساوي قد ايه؟ والثاني بفضل الله بيثنى عليه القريب والبعيد اللي - 00:49:01

واللي ما يعرفوش لامانته وزناهته. فاللي كان عنده علم وقال انا مش هاخد فلوس حرام. سبحان الله! كان عارف قدامه ان ده هيحصل ما تلاقيش شاب في يوم من الايام يمشي مع بنت غلط في طريق حرام. لا يمكن والله يا اخوانا لا يمكن لانه بيبقى عارف يقينك - 00:49:21

انه هيترد لانه يعرف كوييس جدا ان كل معصية سلف ودين. والله يا اخوانا لو لو فهمنا دي بس ان كل معصية في الدنيا او كل عمل بتقوم به في الدنيا سلف ودين هيفرق معك كتير اوكي. شاب بيقول لي انا كنت عايز اخد زوجتي - 00:49:41

واولادي واطلع افسحهم شوية. والله يا اخوانا قل لي كده. انا كنت عايز افسحهم شوية. ووالدي كانت اصابهم مشكلة وتعانين نفسيا. بس يا دوبك الفلوس اللي معي على قد ايه؟ على قدي انا وزوجتي ووالادي. ما اقدر اخد - 00:50:01

ووالدي ولكن قلت لهم في الزروف لازم يفرحوا شوية اخرجهم من الجو ده. يقول لي والله يا شيخ استلتفت مبلغ الف جنيه وخدت والدي ووالدي معي وصرفت كل اللي معى عليهم. وما بقتش عارف انا هرجع يعني اجيب فلوس منين؟ يقول لي سبحان الله الشركة اللي انا شغال فيها تعمل - 00:50:21

قادتها مصروفاتها والكلام ده تطلع الارباح بتاعتها كبيرة جدا في صاحب الشركة يقرر انه يحط حافز يقول لي والله انا واحد عن نفسي اربع تلاف جنيه ما كنت اتخيل اصلا انا يجي لي فلوس زي كده. فيقول لي وانا خارج وانا خارج اعلم بقينا ان كل عمل بعمله - 00:50:43

هو سلف ودين. هو ايه ها؟ سلف ودين. فانا فرحت ابويها وامي. فكانت النتيجة لما رجعت. مين اللي فرحتني هو سلف ودين. ربنا

سبحانه وتعالى فرحك. تعال بقى بص على الجهة الثانية. اللي بيعمل الاعمال اللي ما عندهوش - 00:51:03

علم يقول ان كله سلف ودين. مشى مع بنت في الغلط ومشى مع بنت مش عارف عمل ايه ومشى مع مين ومشى مع مين. طول حياته عمال يلبخ لحد ما ارتبط ببنت حباها قوي حبيته جدا تطاوطوا بعض قوي وقبل قبل الفرج ب ايام شايفها دايما متضايقه متضايقه - 00:51:23

ما فيش. متضايقه ليه؟ ما فيش. لحد ما ضغطت عليه متضايقه ليه؟ قالت له والله في امر عايزة عايزة اتكلم معك فيه. خير؟ انا والله قبلك كنت اعرف حد ومشيت معه وحصل بینا تجاوزات - 00:51:43

وهنا بقى سبحان الله يعني خلاص هي الدنيا اسودت اصلا. يجي لي المسجد ويقول لي انا مش عارف اعمل ايه انا عارف ان ده بزنوبى القديمة اللي انا عملته زمان مع البنات اترد لي. انا عارف ده. اكمل - 00:52:02

ولا ما كملش لان انا مش هقدر اصلا ابص في وشها لو كل انسان منا تعامل في هذه الحياة ان كل فعل بيقوم به سلف ودين في الخير وفي الشر. يختلف تماما - 00:52:25

وهذا يا اخواني لا يكون الا بالعلم. العلم دايما اللي بيوضح لك الامور على صورتها الحقيقة. كل ما الانسان منا بيزاد داد علم بي Shawوف صح اللي ما عندهوش علم تلاقيه عمال تايي في الدنيا. عمال يخبط يمين وشمال. عشان كده باقول لكم والله يا اخواني ما فيش حاجة تنفعنا - 00:52:40

ابدا بعد معرفة ربنا عز وجل. او تثبتنا على الطريق ابدا بعد العلم. او زي العلم. سبحان الله! العلم ده نور العلم ده نور. ابن القيم ضرب مثال العشاء. طيب نذكر مثال لابن القيم ونرفع اذان العشاء. ابن القيم كان - 00:53:00

مثال بيقول ان العبد لا يصل الى الله عز وجل الا بقوتين. قوة علمية وقوة حركية مش هتوصل لربنا الا بالاثنين دول. العلم والحركة. فيسألوا ابن القيم طب ايه العلاقة بين الاثنين؟ قال - 00:53:20

كمثل سائل على الطريق المظلم حتى يصل الى مراده. ماذا يريد؟ قالوا له علم يوضح نور يوضح له والى حركة يجتاز بها الطريق. قال وهذا حال السائر الى الله عز وجل فهو يحتاج للعلم لينير له الطريق - 00:53:40

نحتاج لتطبيق هذا العلم حتى يصل الى مراده. ده اللي احنا محتاجينه. محتاجين علم ينور لنا طريقنا. نعبد ربنا ازاى ايه الحرام علشان نبعد عنه؟ ازاى نتعامل مع الشبهات؟ ازاى نتعامل مع ابنائي ووالادي؟ محتاجين للعلم وبعد كده نبدأ نحول العلم - 00:54:00

الحركة الى واقع عملي وهو ده العلم النافع. انك تتعلم وتحول العلم ده لعمل ثم بعد ذلك تدعوا الناس بهذا العلم الى الله سبحانه وتعالى. نرفع الاذان ونكمel. بسم الله والحمد لله والصلوة والسلام على رسول الله صلى الله عليه وسلم وبعد. اذا يا اخواني - 00:54:20

بالنسبة لنا امر عظيم. امر مهم. العلم النافع اللي احنا عايزيته. له تلات مكان مهم جدا او اربع اركان مهمة جدا. والاربع اركان دول اللي ربنا عز وجل يذكرون في سورة العصر - 00:54:40

اول حاجة ان الانسان منا فعلا يبدأ يتعلم العلم. يا اخوانا انا عجيب ان بعض الشباب النهاردة يقعد يقرأ روايات مسلا خمس ست ساعات اقرأ طالما الرواية منضبطة شرعا. ولكن الاولى ان يبقى عندها وقت كمان ان احنا نتعلم امور ديننا. عايزين نتعلم امور دينا - 00:55:00

يعني لحد امتهى يبقى شاب متدين وانسان صالح وكوييس ويجي يتسائل في مسألة ما يعرفش. فاول حاجة احنا محتاجين علشان علشان العلم يكون نافع. محتاجين اولا اول حاجة ان احنا نتعلم نحرص على التعلم. نسمع كثير في العلم الشرعي. نسمع - 00:55:20

سلسلة عن الفقه سلسلة عن العقيدة سلسلة عن السيرة. والله يا اخوانا والله آآ مدرسة المنصورة كوليدج هنا كانوا باعتين لي عايزيتهن في درس للاولاد كده في المدرسة. فانا رحت يعني بعد ما خلصت الدرس كده حبيت برضو ارتبط بالاولاد اكتر فقلت نعمل مسابقة - 00:55:40

يلا يا ولاد ها مين يقول لي مسلا آآ الصديق كان اسمه ايه؟ مين الصديق؟ ابو بكر وتلاقي مسلا من ضمن خمسيني ستميit ولد وبن

ما حدش يعرف اسمه دي كارتة. دي كارتة - 00:56:00

ولما تلاقي ربنا يجبرك كده بواحد وتقول له طب ها قل يا حبيبي انت طالما انت عارف قل انت يقول لي عمر الفاروق فاولا احنا محتاجين نتعلم الهدف الاساسي دلوقتي لاعداء المسلمين. افشل قضية التعليم في بلاد المسلمين. لأنهم عارفين كوييس جدا ان العلم بيعرف - 00:56:20

الاهم قوي فهيفشلونا علميا سواء كان العلم علم شرعي او علم ديني احنا محتاجين احنا نقوم بالدور ده. دور التعليم. اللي اعرفه ان علماء اقاموا للإسلام حضارة بالعلم. وانتم يا شباب لو عايزين ترجعوا للإسلام حضارته مش هترجعواها الا بالعلم بعد فضل الله عز وجل - 00:56:47

لا يمكن بحال من الاحوال النهاردة نقيم للإسلام حضارة كما كانت له حضارة الا اذا فعلا غرسنا في نفوس ان اول حاجة في حياتك لابد ان تهتم بها العلم. الدكتور راغب السرجاني عمل كتاب رائع - 00:57:17

ماذا قدم المسلمون للعالم؟ كتاب مجلدين ماذا قدم المسلمون للعالم في مجال الطب؟ ماذا قدم المسلمون للعالم في مجال الكيمياء؟ ماذا قدم المسلمون للعالم في مجال الجبن. ماذا قال المسلمون للعالم في كل مجالات الحياة في الفلك في الجغرافيا؟ لما تقرأ الكتاب ده تستشعر بالفعل انه - 00:57:37

امتنا دي ربنا سبحانه وتعالى اقام حضارتها لان علمائها كانوا مهتمين بالعلم. يوم ما العلماء اللي كانوا بيقعدوا في المكان انا فيه الان يعني اسأل الله ان يغفر لي عجزي وقصيري. لما كان العلماء بيقعدوا في المكان ده كان الشافعي زي ما بيقعد في المكان ده علشان يقول للناس دي - 00:57:57

حلال ودي حرام كان الشافعي استاذ الدنيا كلها في الطب. وزي ما كان الرازي رحمة الله عليه بيقعد في مكانه ده علشان يعلم ناس تفسير تفسير كتاب ربنا كان الرازي ده هو اللي بيعلم الناس الطب برضه. لما كان ذو النون المصري بيقعد في مكانه هنا يوعد الناس - 00:58:17

وبيكى ناس الرازي ده كان استاذ الدنيا في الكيمايا. العالم اجمع. العالم اجمع. لم يتعلم الكيمايا الا عن طريق جابر ابن حيان المسلم. اللي برة في الغرب بيسموا الكيمايا بيسموها كيمايا جابر - 00:58:37

لان هو اول من اسس لهذا العلم. جابر ابن حيان المسلم. لما لم تعرف ان علم الجبر علم الخوارزميات اللي اسسوا حقيقة كان الامام الخوارزمي. وعارضين كان الامام الخوارزمي رحمة الله عليه كان كان فقيه - 00:58:57

كان فقيه الشافعي وفي يوم من الايام بيسأله في مسألة من مسائل الميراث التركات ماشي كده؟ المسألة دي فيها امرأة ماتت وتركت زوجا واخت وابا واما. ها؟ الزوج هيأخذ ايه؟ يلا يا شباب الزوج هيأخذ ايه؟ النص - 00:59:17

ما فيش اولاد. طب والاخت هتاخد ايه؟ النص الاخت الشقيقة بتاخد النص. طب والاب هيأخذ ايه؟ والام ايه؟ طب معلش الاب الزوج خد النص والاخت خدت النص هنطلع ميراس الاب والام منين؟ ها المسائل - 00:59:48

دي في العلم الموافق اسمها الایه؟ العول. مسائل العول. ان التركة انه الانسبة بتاعة الناس اكبر من الثانية نفسها. فقعد بقى ايمان خوارزمي يحل وي يعمل ويسيوي لحد ما ابتكر طريقة لحل هذه المسألة. فبدأ يحط من خلال الطريقة دي علم الجبر - 01:00:08

اللي الدنيا كلها الان اتعلمتها من مين؟ الخوارزمي. كل الادوات الطبية اللي بيتم بها الان الجراحية مأخوذة من مين؟ من ابي القاسم الزهراوي الطبيب المسلم. اللي عمل كتاب اسمه التصريف اللي هو يعتبر عمدة الطفل - 01:00:28

في زماننا هذا عمدة للطب في زمننا هذا. ابن الهيثم هو اللي علم الدنيا كلها عين البصريين شوف اول من اسس لفكرة الكاميرا اللي في المحمول بتاعتك هو كان ابن الهيثم. عباس ابن فراس هو اول من علم الدنيا كلها - 01:00:48

الطيران وان احنا ممكن نطير. لما كان علماء المسلمين حريصين على ده وصلوا. واقاموا للناس حضارة. لما كانت اوروبا لسه عايشة الولحل وكانت مكتبات المسلمين دار الحكمة اللي كانت موجودة في بغداد اللي كان فيها اتنين مليون كتاب. في في الوقت اللي كان - 01:01:08

اوروبا كلها لسه عايشة في الصين والوحل. احنا ما اسست لل المسلمين حضارة الا بالعلم. ما للمسلمين حضارة الا بالعلم. لما كان الطبيب المسلمين ينطلق من اسلامه انه مسلم. ويربط الاسلام رابط بينه وبينه - 01:01:28

اخو المسلم برباط قوي جدا المسلم اخو المسلمين فاحنا لنا و اخوات لنا مرضى في اماكن بعيد عننا. فكان الاطباء المسلمين في هذا

الوقت يخرجون في القوافل الطبية سنة اتنين وتسعين هجرية اول قافلة طبية مسلمة بدأت تتحرك في الافق - 01:01:48

عنوان: [الطب والجراحة في العصور الوسطى](#) | تاريخ النشر: 01.02.09 | الناشر: دار المدى

سنة تسعمية هجرية بعد تسع قرون. احنا امة حضارة. حضارة دي لا تقام الا بالعلم. لا تقام - 01:02:08

فاحش طالع يؤدي دور البلاطجة. احنا امة علم احنا محتاجين نتعلم احنا محتاجين الطيب المسلم - 01:02:28

محتجين طبيب فعلاً لما تيجي تحت ايده حالة تطلع بفضل الله عز وجل تمام زي الفل. احنا احنا كمسلمين احنا كمسلمين شوفوا

عملنا حضارة ازاي بالعلم. كانت المستشفى المسلم بمؤسس من قسمين. اول ما المريض يخش اول حاجة يعملوها - 01:02:48

اول حاجة اعملوا على الباب يقلع هدومه كلها ويلبس هدومه جديدة. حجر صحي. رجل ولا ذكر ولا انشي ذكر يخش طريق او انشي

01.03.08

مش عارف ايه خش القسم بتاعه. في القسم بتاعه ياتي الطبيب اللي كان بيكتشف عليه. ويدون سجل كل صغيرة وكبيرة على الحالة

المرضية. ثم يقوم هذا الطبيب بزراعه الادوية من النباتات اللي كانوا بيزرعوها في الارض الواقفية اللي كانوا المسلمين - 01:03:28

جنب المستشفى عشان تكون ارض لصناعة صناعة الاعشاب اللي بتستخدم في العلاج؟ ثم بعد ذلك المستشفى فيها قسم خاص.

01:03:48 - اول ما المريض يخش هم عارفين كانوا زمان بياكلوا من قوتهم من قوت تعفهم وعرقهم -

فعلى طول تيجي الهيئة الخيرية القائمة على المستشفى تروح بسرعة للراجل ده تعرف هو ساكن فين ومنين لأن هم عارفين لما الاب

دخل المستشفى مين اللي هيصرف على زوجته ووالاده؟ ما فيش. فتتولى الهيئة الخيرية مساعدة هذا الرجل ماديا الى ان يخرج؟

01:04:08 - تلاة

الدكتور بعد ما دون اتحطت دي في كتب واتحطت في المكتبة اللي كانت ايضا على الارض الوقفية اللي جنب المستشفى علشان

يبيجي طلبة العلم الاطباء الجدد عشان يخشوا على المكتبة يلاقو كل حاجة. مش زي ما بعض الاطباء ياخدوا المراجع ويخبوها

01:04:28 - للطلبة - وما يدوهاش ويدكنوها

وبعد كده وبعد كده احنا عارفين لان هو تعبان ومریض يعني اللي تعبان ومریض طول اللیل دون بقى يعني ما بينامش طب نعمل

ایه؟ احنا عایزینه کده اعصابه تهدی ویسترخی بقی ویقی کویس کده. خلاص احنا هنعمل قسم نجیب احسن القراء واحسن -

01:04:45

ونجيب المهرجين اللي بيقول نكت واللي بيضحك الناس ونعمل قسم خاص جوة المستشفى علشان هو لو عنده آأتعب او ارق مش عارف بنام بنتا بق، بلاق، باصمات حلة هنا فلا، عايز تسمع نكت وتهز وتفرش، رح عند فلا، عايز بق.

01:05:05 تسمیه فرانس ۲۰۰۷ علی فلاح حنزه فال -

دي مش مستشفى انا يقول الكلام ده كان سنة اتنين وتسعين هجرية. احنا ايه اللي حصل في مستشفياتنا علشان نوصل للحال ده

احنا سينا العلم تختلفنا عن العلم. احنا محتاجين يا اخوه انا اذا كنا نريد ان نقيمه لانفسنا - 01:05:25

صورة حقيقة فعلا احنا محتاجين نعود للعلم مرة ثانية. محتاجين نرجع للعلم مرة ثانية ارجع تاني واقول ان العلم النافع يا اخواننا له

اربع سو، مهمة جدا، او اربع مكونات مهمة جدا لازم نأخذ بالنا منها، المكون الاول، هو التعلم - 01:05:48

ان احنا نتعلم. اتنين بعد ما نتعلم وانا قلت لكم كتاب على مدار العشرين يوم الجاين كتاب اسمه ايه؟ صحيح الترغيب والترهيب.

ابدا اقرأ فيه كوييس جدا. كل عمل جديد هو الكتاب - 01:06:05

دوره انه يقول لك العمل ده كوييس او اي اعمله. ده الترغيب او العمل ده وحش او اي ابعد عنه. كل عمل هقابله كوييس في حياتي عفوا كل عمل قرأت في الكتاب كوييس هطبقه في حياتي عملا. وكل عمل حذرني منه الكتاب انا هبعد عنه. فتكوني نتيجة ان احنا حولنا **العلم الى ايه - 01:06:25**

عمل ودي المكون الثاني للعلم النافع. قرأت مثلا مثلا قرأت في الكتاب ان النبي صلى الله عليه قال اولى الناس بي يوم القيمة اكترهم صلاة علي. قرأت في الكتاب ان النبي صلى الله عليه وسلم يقول - **01:06:45**

قل ان الله وكل بقبر ملكا معه اسماء الخلائق فلا يسلم علي احد او فلا يصلني علي احد الا قال الملك يا محمد ان فلان ابن فلان يصلني عليك او يسلم عليك فيرد الله علي روحني حتى ارد عليه السلام. العمل ده يخليني طول ما انا - **01:07:05**

قاعد او انا ماشي في الطريق او رايح المسجد جاي من المسجد. اللهم صل وسلم على نبينا محمد. اللهم صل وسلم على نبينا محمد. اللهم صل وسلم على نبينا محمد. عمال اصلي واسلم - **01:07:25**

على النبي كتير. يبقى انا قرأت الحديث فانا اتعلمت بذات اطبقه فانا عملت ثم الامر الثالث بقى تبدأ بقى تنقل ده للناس واتعرف ده للناس. القصة اللي دايما باقول لكم عليها يا اخوانا دردش مع العيلة. احنا محتاجين شوية دردشة مع العيلة. احنا بقى لنا - **01:07:35** عشرين تلاتين سنة جوة العيلة. العيلة هي اللي بتدردش معنا. احنا عايزين احنا ندردش بقى. نقعد مع عيلة. على فكرة يا اخوانا انا عايز بس من وقتكم خمس دقايق. افضل يا احمد. افضل يا محمد. افضل - **01:07:55**

ابراهيم افضلني يا شيماء افضلني يا هند افضلني اي حد يتفضل يقول. انا والله يا جماعة انا عايز اسأل لكم حدیس واحد عن النبي صلى الله عليه وسلم بس. حدیس عجبني قوي وعايز اقوله لكم - **01:08:05**

طب قل يا ابني على فكرة يا جماعة احنا ممكن النبي يعرفنا باسمائنا واسماء ابائنا وامهاتنا آآ طب ازاي يا ابني يا ابني؟ آآ انا سمعت النبي صلى الله عليه وسلم بيقول آآ - **01:08:15**

ان في ملك ربنا وكله في قبر النبي معه اسماء الناس. فما فيش حد هيسلم على النبي صلى الله عليه وسلم الا ويبلغ هذا الملك النبي صلى الله عليه وسلم السلام - **01:08:25**

يرد الله على النبي روحه حتى يرد علينا السلام. يلا صلوا على النبي صلى الله عليه وسلم. الدردشة دي خدت مننا وقت قد ايه ولا حاجة ان انا كل اما هتعلم حديد جديد انا هحطه عندي على على الواتس هعمل الواتس كده اقسم الواتس عندي - **01:08:35** انا عندي تلتميت قسط هقسمهم مجموعات. هقسم التلتميت اسم مجموعتين قسمهم على مجموعتين. مسلا هو الوصف بيدي تقربيا متين وخمسين اسم في المجموعة. مسلا من الاسماء اللي عندك مجموعات. يبقى انت عندك اربع خمس مجموعات. وثبتهم بالدبوس ان دي تكون اول حاجة عندك في القايمية بتاعة الواتس عندك. التلات مجموعات دول. عرفت حدیث - **01:08:55**

ارسال للمجموعة الاولى ارسال للمجموعة الثانية ارسال للمجموعة الثالثة. خد منك وقت قد ايه؟ ولا حاجة. بس سبحان الله سبعميت اسم ولا التمنميت اسم دول لما الكل بقى يصلني على النبي اول ما بعثت الحديس ده احنا مش هنبعدت كلام كتير ابعت قال رسول الله صلى الله عليه وسلم كذا بس - **01:09:16**

تخيل السبعميت اسم صلوا على النبي صلى الله عليه وسلم. سبعميت اسم دول قاموا واحدين الكلام ونشروه. انت بقى عندك اخبارك ايه بقى في الحسنات؟ يبقى المكون الثالث العلم النافع هو نشر هذا العلم بين الناس. نشر العلم يا اخوانا مش لازم تكون عالم. مش لازم تكون شيخ. كل واحد فيينا مسؤول زي ما النبي صلى الله عليه وسلم قال - **01:09:36**

نضر الله امرأها سمع مقالته فادها ايه؟ كما سمعها. بس. اسمع حدیث النبي بلغه للناس. مش مطلوب منك اكتر من كده ماشي كده؟ الامر الرابع الصبر بقى. الامر ده هيحتاج منا صبر. لانك هتلاقي واحد جدل معك. هتلاقي واحد يقول لك انت هتعمل علينا اه - **01:09:56**

يا عم الشيخ انت هتلاقي واحد يقول لك طب صل على النبي في قلبك يا عم الشيخ. واحد بقى ايه عارف تاريخك يقول لك ايه ايه ده احنا عارفينك على قديمه. ها - **01:10:16**

هتلاقي واحد بيقول لك كده اصبر. اصبر. بلغ السنة اللي انت عرفتها واصبر. ماشي كده؟ والله يابني مع الصبر والاستمرار الدور الدائم في التعليم ونشر العلم بالنسل المسألة هتفرق معك تماما. والله يا اخوانا هتفرق معنا كثير جدا ان شاء الله. الدعوة والتعليم -

01:10:26

الاربعة اربع حاجات واحد هتنينا معك واحد التعلم اتنين العمل ثلاثة والدعوة اربعة عملنا كده نكون بالفعل خير امة اخرجت للناس. جزاكم واخيرا انا معلش هضطر امشي بعد الصلاة مباشرة لان انا عندي امتحان المفترض. بدأ من سعد. فلا نصلي وايه وانطلق على

01:10:46 طول عشان بس ان شاء الله -

الحق الامتحان وبالله عليك يعني بالله عليك جميعا الدعاء كده بال توفيق ان شاء الله فهذا وصلى الله على محمد وعلى

01:11:16 الله وصحابه وسلم -